

Na osnovu člana 16. stav 2. Zakona o Vladi Zeničko - dobojskog kantona - Prečišćeni tekst («Službene novine Zeničko-dobojskog kantona», broj: 7/10) i člana 4. stav 1. Zakona o koncesijama (Prečišćeni tekst) («Službene novine Zeničko-dobojskog kantona», broj: 5/03), na prijedlog Ministarstva za privredu, Vlada Zeničko-dobojskog kantona, na 76. sjednici, održanoj 03.11.2016. godine, d o n o s i

ODLUKU

o pristupanju provođenja procedure dodjele koncesije za istraživanje i eksploataciju mineralne sirovine - kvarcnog pijeska na lokalitetu “Nezirov Gaj” K.O. Gornja Breza i K.O. Podvinci, na području općina Breza i Visoko

Član 1.

(Predmet)

Pristupa se provođenju procedure dodjele koncesije na istraživanje i eksploataciju mineralne sirovine – kvarcnog pijeska, na ležištu “Nezirov Gaj” K.O. Gornja Breza i K.O. Podvinci, na području općina Breza i Visoko.

Član 2.

(Lokacija)

(1) Istražno-eksploatacioni prostor ležišta “Nezirov Gaj” K.O. Gornja Breza i K.O. Podvinci, na području općina Breza i Visoko, ograničen je graničnim linijama sa prijelomnim tačkama, kako slijedi:

Tačka E	Y= 6 519 380,00	X= 4 877 790,00
Tačka F	Y= 6 519 330,00	X= 4 877 697,00
Tačka G	Y= 6 519 413,00	X= 4 877 722,00
Tačka H	Y= 6 519 473,00	X= 4 877 641,00
Tačka I	Y= 6 519 440,00	X= 4 877 610,00
Tačka L	Y= 6 519 489,00	X= 4 877 606,00
Tačka M	Y= 6 519 369,00	X= 4 877 539,00
Tačka N	Y= 6 519 296,00	X= 4 877 565,00
Tačka O	Y= 6 519 231,00	X= 4 877 660,00
Tačka P	Y= 6 519 284,00	X= 4 877 682,00
Tačka R	Y= 6 519 322,00	X= 4 877 743,00
Tačka E	Y= 6 519 380,00	X= 4 877 790,00

(2) Površina istražno-eksploatacionog prostora na kojem će se realizirati koncesioni projekat iz člana 1. ove odluke je **30.000 m²**, definisan je koordinatama prijelomnih tačaka od E do R, a lociran je na dijelovima parcela k.č. 931 K.O. Podvinci, površine 16.849 m² i k.č. 1232 K.O. Gornja Breza, površine 13.151 m².

Član 3.

(Elementi Ugovora)

Posebni uslovi za izbor najpovoljnije ponude za dodjelu koncesije na istraživanje i eksploataciju mineralne sirovine kvarcnog pijeska su:

- a) Vrijeme koncesije za istraživanje i eksploataciju je **11 godina**, od čega **do 2 godine** za isušivanje, a zavisiće od utvrđenih rezervi mineralne sirovine;
- b) Za eksploataciju količine mineralne sirovine kvarcnog pijeska, koncesionar je dužan plaćati kontinuiranu koncesionu naknadu u iznosu od minimalno **0,50 KM/m³** po metru kubnom rastresite mase kvarcnog pijeska (slovima: nulazarezpet konvertibilnih maraka po metru kubnom rastresite mase);

- c) Minimalna količina eksploatacane mineralne sirovine kvarcnog pijeska, za koju je koncesionar obavezan plaćati kontinuiranu koncesionu naknadu je **25.000,00 m³/godini** rastresite mase kvarcnog pijeska, (slovima: dvadesetpethiljada metara kubnih po godini rastresite mase kvarcnog pijeska);
- d) Minimalna jednokratna (fiksna) koncesiona naknada po metru kvadratnom istražno-eksploatacionog prostora ležišta "Nezirov Gaj" K.O. Gornja Breza i K.O. Podvinci, na području Općine Breza je **10.000,00 KM/ha** (slovima: desetihiljada konvertibilnih maraka po hektaru).

Član 4.

(Opći eliminatorni uslovi)

Opći eliminatorni uslovi za izbor najpovoljnije ponude za dodjelu koncesije na istraživanje i eksploataciju mineralne sirovine kvarcnog pijeska na predmetnom lokalitetu su:

- a) Dokaz o uspješnom poslovanju ponuđača u posljednje tri poslovne godine;
- b) Dokaz o uredno izmirenim javnim prihodima (porezima, doprinosima, koncesionim naknadama);
- c) Garancija banke na iznos vrijednosti minimalne jednogodišnje eksploatacije mineralnog resursa kvarcnog pijeska prema ponuđenoj cijeni koncesine naknade, sa rokom važenja do 90 dana;
- d) Studija o ekonomskoj opravdanosti dodjele koncesije na istraživanje i eksploataciju mineralne sirovine kvarcnog pijeska na lokalitetima "Nezirov Gaj" K.O. Gornja Breza i K.O. Podvinci, na području općina Breza i Visoko, urađena prema Načelnom sadržaju koji je uradilo Ministarstvo za privredu;
- e) Ovjerena izjava da se pod krivičnom i materijalnom odgovornošću obavezuje omogućiti realizaciju projekata od općeg interesa, za koje Općinsko vijeće Breza i Visoko iskaže interes;
- f) Ovjerena izjava Koncesionara ("Sanex" d.o.o Breza), čije istražno-eksploatacijsko polje graniči sa istražno-eksploatacionim poljem iz predmeta ovog Javnog poziva, o spremnosti regulisanja međusobnih obaveza i odgovornosti u provođenju mjera zaštite na radu i zaštite zdravlja zaposlenika, data u skladu sa članom 17. stav (4), Zakona o rudarstvu Zeničko-dobojskog kantona („Službene novine Zeničko-dobojskog kantona“, broj: 10/12).

Član 5.

(Ostali uslovi)

Ostali uslovi za izbor najpovoljnije ponude za dodjelu koncesije na istraživanje i eksploataciju mineralne sirovine kvarcnog pijeska su:

- (1) Koncesija će se dodijeliti prema kriteriju najpovoljnijeg ponuđača, odnosno po principu najvećeg zbira bodova po osnovu tenderskih kriterija, koji uključuju visinu kontinuirane i jednokratne koncesione naknade, minimalnu godišnju realizaciju predmeta koncesije, poslovni rezultat, kao i na osnovu općih kriterija dodjele koncesije za istraživanje i eksploataciju mineralne sirovine kvarcnog pijeska na ležištu "Nezirov Gaj" K.O. Gornja Breza i K.O. Podvinci, na području općina Breza i Visoko.
- (2) Procentualno učešće kod vrednovanja ponuda je:

a) kontinuirana naknada	maximalno 60 bodova;
b) jednokratna koncesiona naknada	maximalno 20 bodova;
c) minimalna godišnja realizacija	maximalno 20 bodova.
- (3) Najpovoljniji ponuđač je dužan prije potpisivanja koncesionog ugovora Ministarstvu za privredu dostaviti:
 - snimak „nultog stanja“ istražno-eksploatacijskog polja,
 - geodetski elaborat sa identifikacijom parcela,
 - uplatnicu za jednokratnu naknadu,
 - ovjerenu mjenicu sa mjeničnom izjavom na iznos od 25.000,00 KM.

(4) Najpovoljniji ponuđač - koncesionar dužan je odmah nakon potpisa Koncesionog ugovora obezbijediti:

- upis Koncesionog ugovora u Zemljišne knjige i dostaviti ZK uložak Ministarstvu za privredu,

a u daljnjim upravnim postupcima i:

- urbanističku/građevinsku saglasnost za realizaciju projekta zasnovanog na korištenju predmeta koncesije, izdatu od ovlaštenog organa,
- vodoprivrednu saglasnost, izdatu od ovlaštenog organa,
- šumarsku saglasnost, izdatu od ovlaštenog organa,
- okolinsku dozvolu,
- saglasnost Zavoda za zaštita spomenika.

Član 6.

(Istraživanje i eksploatacija)

Istražne i eksploatacione radove, kao i sve druge prateće poslove, Koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih resursa, te drugih važećih zakonskih propisa.

Član 7.

(Provođenje postupka izbora)

Zadužuje se Ministarstvo za privredu da, putem Komisije koju imenuje ministar Ministarstva za privredu, provede postupak prikupljanja ponuda, izvrši odabir i predloži Ministarstvu za privredu najpovoljnijeg ponuđača.

Član 8.

(Stupanje na snagu)

Odluka stupa na snagu danom donošenja i bit će objavljena u «Službenim novinama Zeničko-dobojskog kantona».

Broj: 02-_____ /16.

Datum, 03.11.2016. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za privredu,

1x Ministarstvo za prostorno uređenje, promet i komunikaciju
i zaštitu okoline,

1x Ministarstvo za poljoprivredu, šumarstvo i vodoprivredu,

1x «Službene novine Zeničko-dobojskog kantona»,

1x a/a.